

R.6  
A

## Litteratura e cultura en il focus

### Preschentaziun da texts e reflexiun davart l'effect

- 1. Scolaras e scolars san reproducir a moda creativa texts litterars, san discurrer davart texts e reflectar lur patratgs e sentimenti en connex cun lur lectura.**

renviaments

R.6.A.1 Las scolaras ed ils scolars ...

1

- a » san s'approfundar cun agid da cudeschs da maletgs en istorgias prelegidas e raquintadas libramain.  
 » san discurrer davart quai ch'els han legì u tadlà ed èn motivads d'adina puspè sa fatschentar cun cudeschs da maletgs, discs cumpacts e films.
- b » san far maletgs tar istorgias, als metter en connex cun las istorgias e raquintar singulas episodas da l'istorgia.  
 » san descriver cun agid singulas figuras da l'istorgia e dar pled e fatg, tge ch'als plascha vi da singulas figuras u vi da l'istorgia en general.  
 » san descriver tge ch'als plascha vi da las medias ch'els dovran gugent (p. ex. cudesch, televisiun, film, istorgia auditiva).  
 » san dir tge istorgias ch'als plaschan e tgeninas betg.  
 » san chantar e dir si chanzuns e versets a moda ludica.
- c » san reproducir istorgias u scenas a moda figurativa (p. ex. acziun, discurs) u cun dissegns (p. ex. figuras, lieus).  
 » san visitar cun accumpagnament la biblioteca da la scola, chattar lur cudeschs preferids e nudar singuls aspects (p. ex. figuras, lieus) da las istorgias en in diari da lectura.  
 » san communitgar lur experientschas personalas da tadlar e leger a moda chapibla als auters.

- d » san sa referir en in discurs al text, san circumscriver tge ch'els han legì u udì e s'occupeschan quatras cun il text.  
 » san s'occupar da cudeschs e texts litterars ch'als na plaschan betg a prima vista e schlargin uschia lur repertori da leger.

2

- e » san s'imaginar ed identifitgar la moda da vesair da singulas figuras, quai per exemplu tras giugar las figuras u raquintar l'istorgia ord perspectiva d'ina figura.  
 » san cun sustegn formular en in discurs lur atgna moda e maniera da leger in text litterar.  
 » san descriver tge effect che singulas figuras, lieus u acziuns han sin els.

- f » san identifitgar tratgs essenzials da las figuras, da lieus ed acziuns en istorgias u singulas scenas adattadas a lur vegliadetgna e san preleger ellas a moda creativa, preschentar a moda figurativa, a scrit u cun dissegns.  
 » mussan pronteza da sa barattar davart las differentas experientschas da leger, vesair e tadlar in text litterar adattà a lur vegliadetgna.  
 » san sa referir al text litterar cun formular lur chapientsha da text.

- g » san formular en il discurs litterar lur chapientsha da singuls elements dal text e sa refereschan al text litterar.  
 » san scriver agens texts sin fundament da models da texts litterars u entschattas da texts.  
 » san recumandar ad auters cudeschs e texts litterars ch'als plaschan e san quatras explitar lur gust preferì da leger.

renviaments

3	<p>h) » chapeschan la structura d'in text litterar uschia ch'els san metter en ina successiun logica singulas passaschas dal text.</p> <p>» san s'imaginar ed identifitgar la vista interna ed ils patratgs da figuris en situaziuns claras (p. ex. cun scriver in monolog intern).</p> <p>» san reflectar a bucca u en scrit lur patratgs e sentiments ch'els han durant s'occupar cun in text litterar e san quatras explitgar pertge ch'in text correspunda a lur gust preferì da leger u betg.</p> <p>» san en in discurs formular tge ch'els han chapì ed approfundar questa chapientscha en il dialog cun auters.</p>	
●	<p>i) » san chattar infurmaziuns realas ed/u istoricas en in cudesch, san las cumpareglier cun autras funtaunas e san preschentiar il resultat da la cumparegliazun.</p> <p>» san sin fundament d'in model d'in text litterar scriver sezs in text cun ils tratgs correspondents.</p> <p>» san metter en dumonda u relativar lur emprima chapientscha d'in text litterar e vesan ch'auters chapeschan in text litterar a moda differenta.</p>	
●	<p>j) » san descriver a moda detagliada sa referind al cudesch tge effect che singulas figuris, lieus u acziuns han sin els.</p> <p>» san s'imaginar ed identifitgar la vista interna, ils patratgs e motivs per l'agir da las figuris (p. ex. cun laschar scriver in'istorgia or da vista d'ina figura u cun laschar explitgar la figura sia vista en ina brev u en il diari).</p> <p>» san declarar daco u tge ch'els chapeschan respectivamain na chapeschan betg cun sa referir al text litterar.</p>	

**R.6** Litteratura e cultura en il focus  
**B** Savida davart geners, furmaz da texts, auturAs e lur ovras

- 1. Ils scolars e las scolaras enconuschan tratgs essenzials da furmaz da texts e da geners litterars. Els enconuschan singulas auturas ed auturs ed intginas da lur ovras e san metter lur savida en connex cun il temp.**

renviaments  
LE2GR.6.A.1

R.6.B.1 Las scolaras ed ils scolars ...

<b>1</b>	a	<ul style="list-style-type: none"> <li>» san vegnir attents cun agid a singuls tratgs d'istorgias sco l'entschatta e la fin e cuntegns tipics.</li> <li>» san ch'ils texts litterars èn vegnids scrts dad auturas u auturs.</li> </ul>	
	b	<ul style="list-style-type: none"> <li>» enconuschan historias da differentas auturas e da differents auturs.</li> <li>» san attribuir exempels tipics (p. ex. da cudeschs da maletgs) als geners da las paraulas, dals comics, da las poesias, da las engiavineras e da las chanzuns.</li> <li>» enconuschan en contexts tipics singuls tratgs da differents geners (p. ex. l'entschatta e la fin d'ina paraula).</li> </ul>	
<b>2</b>	c	<ul style="list-style-type: none"> <li>» san s'occupar da singulas auturas u singuls auturs rumantschs impurtants ed intginas da lur ovras principales.</li> </ul>	
	d	<ul style="list-style-type: none"> <li>» san metter en relaziun il text e la biografia da l'autur.</li> <li>» san numnar singuls tratgs tipics dal cuntegn, da la furma e da la lingua da texts narratifs (p. ex. paraula, ditga, fabla, raquint, comic), texts lirics (p. ex. tact, strofa, refrain) e dramatics (p. ex. gieu auditiv, film).</li> </ul>	
	e	<ul style="list-style-type: none"> <li>» san s'occupar d'istorgias da differents temps.</li> </ul>	
<b>3</b>	f	<ul style="list-style-type: none"> <li>» san numnar impurtants auturs e lur ovras e chapeschan lur muntada per la lingua e cultura rumantscha.</li> <li>» san numnar tratgs tipics da cuntegn, furma e lingua da texts narratifs (p. ex. istorgia, roman) e da texts lirics (p. ex. ballada) e san chattar e marcar queste tratgs tipics en texts.</li> </ul>	
	g	<ul style="list-style-type: none"> <li>» san numnar differentas ovras d'auturas ed auturs da differents temps ed als metter parzialmain en relaziun cun lur temp.</li> <li>» enconuschan ils geners epica, lirica e dramatica e san mussar e explitgar tratgs tipicas.</li> </ul>	

**R.6**      Litteratura e cultura en il focus  
**C**            Analisa e sintesa

- 1. Las scolaras ed ils scolars vesan che texts litterars èn vegnids concepids a moda cunscientia areguard lur cuntegn, furma e lingua per crear in effect estetic. Els san nizzegiar questa savida per crear agens texts.**

renviaments

**R.6.C.1**    Las scolaras ed ils scolars ...

<b>1</b>	a	» enconuschan e chapeschan maletgs ed illustraziuns a moda realistica.	
	b	» san sa metter en la situaziun da l'istorgia e la resentir sco reala. » san recitar vers, rimas ed entiras poesias a moda ritmica, enconuschan e san giudair tact e ritmus sco elements lirics.	
	c	» enconuschan e chapeschan differentas figuras, l'atmosfera da differents lieus, differenta tensiun d'acziuns. » san s'occupar sulets u en cumpignia da texts litterars ch'en adattads a lur vegliadetgna.	
	d	» san cun agid enconuscher e chapir differentas perspectivas da figuras prototipicas (p. ex. bun/nausch, tup/perdert) e san giuditgar las figuras tenor questas simples categorias.	
	e	» vesan independentamain simpels tratgs formals e linguistics da texts litterars (p. ex. rima, vers, strofa, schelta da pleds) e san cun agid identifitgar lur effect ed al descriver.	
	f	» san s'occupar da la valur da texts litterars, sch'els enconuschan il muster dal text (p. ex. cudesch, text auditiv, film, cd-rom). » vesan particularitads da texts ficziunals e realistics e als san analisar sin fundament da lur cuntegn (p. ex. tensiun, figuras, acziun e lieus), furma (p. ex. rima, schema, structura) e lingua (p. ex. schelta da pleds specifica, variaziuns, repetiziuns).	NUS.9.4.c
	g	» vesan ed enconuschan differenzas tranter l'emprima muntada e la muntada metaforica da messadis, acziuns e figuras, san giuditgar las figuras e lur agir cun las categorias gist/malgist.	
	h	» san s'occupar da texts che na tutgan betg tar lur lectura da mintgadi. » enconuschan differents texts litterars (p. ex. text auditiv, film) e vesan en texts principis da creaziun cleris u usitads areguard il cuntegn (p. ex. crear tensiun, fil cotschen da l'acziun, motivs, muntada simbolica). » vesan e chapeschan differentas intenziuns da ficziun e realitat era en istorgias pli cumplexas (p. ex. raquint, roman), san reflectar lur effect sin la lectura dals texts.	
	i	» san surpigliar perspectivas tipicas da figuras litteraras e san reflectar lur agen process da chapientscha. » san analisar la moda da discurrer da las figuras per chapir pli detagliadament figuras e lur motivs. » san identifitgar principis formals (p. ex. structura da texts narrativs curts e da poesias) e linguistics (p. ex. stazi da pleds, sintaxa).	

R.6 Litteratura e cultura en il focus  
D Savida davart cultura rumantscha

	1.	<b>Las scolaras ed ils scolars enconuschan las particularitads da lur atgna cultura, las stiman e vegnan sensibilisads per la diversitat intraculturala.</b>	renviaments
R.6.D.1		Las scolaras ed ils scolars ...	
1	a	» san s'occupar cun chanzuns, versets, tschaveras ed usits tipics da l'atgna regiun rumantscha.	
2	b	» enconuschan tratgs tipics da l'architectura ed ovras artisticas da l'atgna regiun rumantscha.	
3	c	<ul style="list-style-type: none"> <li>» chapeschan la muntada, vesan l'importanza da l'ierta culturala rumantscha (p. ex. chanzuns, usits, art) e la san cumpareglier cun l'ierta da culturas vischinias.</li> <li>» san s'occupar da la cultura actuala rumantscha (p. ex. scena da musica, paginas d'internet).</li> <li>» san ch'i dat differentas instituziuns che dovran, promovan e tgiran la lingua rumantscha (p. ex. Lia Rumantscha, DRG, RTR, ANR).</li> <li>» san ch'i dat differents idioms e rumantsch grischun e san en tge regiuns ch'ils idioms vegnan discurrids.</li> <li>» san en tge domenes che rumantsch grischun vegn duvrà.</li> <li>» enconuschan paginas d'internet da la cultura rumantscha.</li> </ul>	
	d	<ul style="list-style-type: none"> <li>» san numnar personalitads e fatgs ch'en centrals per il svilup e l'istorgia dal rumantsch.</li> <li>» vesan la preschientscha e muntada dal rumantsch en nums da persunas e lieus.</li> <li>» enconuschan chanzuns, versets, tschaveras ed usits tipics dad autras regiuns rumantschas.</li> </ul>	